

# WEURDJE VANNE VORST



Ei seizoen van unikums was het tot noë toë, des het minste waat ich er van kin zègge! Op den 11dje van den 11dje was het, zjust wiej anders, aangenaam treepele op 't Dörp. Mèt

dik 100 man wore wèe, òm het nôw carnavaalseizoen aaf te trappe. Veur de gelegenheid haaje wèe, Rabbedabbers, het Dörp verseerdj mèt vlagge en wimpels. 't Is namelijk mer eine kiër in 't jaor 11 november! Nao de aankòmst van òs Prinsepare, het obligaat weurdje vanne Vorst en òzze börgervader en ei good nummerke van òs fanfaar De Vrijheidszone, was het hoëg tiëd veur òs traktasiej veur alle aanwezige carnaliste en simpatisante. Det was in eine wèeg het lèste waat ich zelf hõb mèt gemaaktj, want ròndj 12:11 laag ich zeek in bèd. Volle bak koorts en anger miserie. Sjaai môt 'r zeen...

Gelökkig was ich mèt òs groëte Prinsezitting waal weer topfit! Minse van Kinder: de aafwezige haaje ònge-liëk! De Raod van Èllef diej spesjaal veur dees zitting Robbie Williams leete euvervleege oët Ingelandj, de All Stars diej zoë-es altiëd weer Europees top-nivo demonstreerdje, de dames vanne Rabbedabbers diej eine echte klòm-pendans veur òs deeje, de Sjaaimakers diej het lèevesverhaol van òzze Aod-Prins Wout mèt woordj en beeldj leete zeen, de vroluuj vanne Sjaaimakers diej nog ei stepke wiejer ginge en veur dèe zeldje Wout oët de kleijer ginge, en ein geweldig optreeje van mer leefst 18 Kinderse Prinse van zoëwaal lank geleeje es de miër resenter jaore: het was top amusement van eige bojem!!! Aangevöldj mèt 3 artieste van bo-ete Kinder in de vorm van Die Power Buam, Patrick Pesch en Frans

Theunisz, diej alle 3 ein miër-waarde gawe aan òs zitting was het eine aovendj òm in te kadere. Es ich môt aaf gaon oppe kòmmentare achteraaft, en oppe goes-ting van nog anger groepe òm ouch ein optreeje te gaon verzörge, kinne wèe ter bèst ins euver naodinke òm volgendj jaor òm 19:11 te starte, in plaats van 20:11! Gèe vindj wiejer-op in dees gezèt nog ein fotoreportaasj vanne zitting. Ich zou zègge: volgendj jaor môt dèe zaal vol zitte mèt Kinders volk. Òm te kiëke, òm op te treeje, òm te danse en springe!

Nog miër good noëts! Vanaaf 2016 hõbbe wèe ouch eine heuse Kinderse Jeugdroad! Ei deil Kinderse Aod-Jeugdprinse en –Jeugdprinsesse hõbbe zich same gepaktj, en dees jòng Rabbedabbers zeen hël aan 't wirk òm van òs Jeugdbal ein echte Jeugdzitting te make! Dit jaor was het nog te doen inne fanfarezaal, mer wèem wètj waat de toekomst bringjt! Ich dõrf te zègge det eedere Rabbedabber fier is mèt zoëveul jònk veur inne vereniging.

Ich wil dezen epistel aafrunje mèt uch allemaol van harte oët te nuëje veur òs kòmendj carnalswiekendj. Zòndig is het stoet door de Kinderse straote mèt daonao ambiance inne zaal, en op maondig haoje wèe ei verklèdj bal in Café Malpertuus. Vergèet ouch neet òm op woonsdig boëte te kòme mèt de familie of kameraøj. Den zeen ter in eedere Kinderse café lekker hiëringe te kriëge!

Kinder: maak òs fier, en veer volle bak mèt òs mèt!  
Rabbedabbers Alaaf!  
Kinder Alaaf!



# RABBEDABBERS 2016



## MÈT IN DEES EDISIE

- Proklamasie Prins Roland 1
- Proklamasie Jeugdprins Jarne 1 & Jeugdprinses Britt 1
- Kinder investeedj in alternatieve slum kamera's!
- Kinderse horeka sjakeltj euver op witte kassa's!
- Landelikke Gilde organiseertj: Koke mèt Pool!
- Gepersoniseerdje nummerplate in Kinder!
- Kèerels mèt eine kleine!
- Kinrooieniër en wèereldburger!
- Flitse van oppe Prinsezitting!
- Bòmme op 't kòntèenerpark: het échte verhaol!
- Integrasiej asielzoekers verlòptj in Kinder zònger probleme!
- Kivoc muktj kafetarieja sporthal aantrekkelikker!
- Òngerzoek bewiëstj: meneer van pisse verreudj polletieke veurkeur!
- Alweer ei geheim resept van Pool Frit!
- ... en nog veul miër sjèele zeiver!

# PROKLAMASIE PRINS ROLAND I



Gedaon te Kinder inne sporthal oppe 39e prinsezitting van 9 janewariej 2016 door ugge 39e groëte prins van de Rabbedabbers van Kinder, Graaf van het Natterveldj, Hertog vanne wiëk, Baron van iëzer, inoks en allemieniejum,

Ugge euvergelökkige  
**prins Roland den 1e**

Miën leuze veur dit jaor zal dèn  
auch zeen :

Mèt  
de gra-  
siej vanne  
Veurzitter en  
miëne veurga-  
ondje Prins, mèt de  
zèege vanne aod-prinse  
verklaor ich hiejbij van-  
daag miën èllef punte.

**TEN IËSTE:** Ich, Roland Dirkx,  
bèn vandaag zoë fier es eine geeter.  
Want ich maag uch vertèlle dèt ich dit  
jaor door het lèeve kan gaon es de 39e groëte  
prins vanne Rabbedabbers van Kinder es : **Prins  
Roland den 1e !**

**TEN TWIËDJE:** Allein is mer allein, en det is bij  
mich gelökkig neet het geval. Aan mien ziëj stuit dit jaor:  
**Prinses Petra de 1e !**

**TEN DÖRDJE:** Mèt de reliekros knal ich òmme zoëveul tiëd  
miene otto inne prak! Gelökkig hōb ich ei good team , diej zette  
miene otto kiër op kiër strak!

**TEN VEERDJE:** Op Amesco verdeen ich miën broëd, mèt ploëje, houwe,  
sniirke en braoje! Ze hōbbe mich òngertösse al ploogbaas gemaaktj, òm mich  
zeker dao te kinne haoje!

**TEN VIËFDJE:** Miën Prinsebal is dit jaor op 22 janewariej, op eine vriëdig zoë-es  
gèe zeetj! Det hōb ich spisjaal gedaon zoëdet eederein 2 daag òm oët te katere heet!

**TEN ZËSDJE:** Ich bèn ouch aktief es enduro riejjer, de Ohio Brothers, mien moate, zulle  
mich good in de gate mōtte haoje. Neet det es wèe goan riejje ich mich zou verslaope, want de  
Flying Ducks kinne dao al euver mèt kalle!

**TEN ZEEVENDJE:** Ich hōb 3 kinjer: Luca, Sem en Tessa, en diej lèste heet veurig jaor es  
Jeugdprinses de carnaval oppe kop gezat! Ze heet van eeder momentj genote, ich hōb dus ei hiël good  
veurbeeldj gehad!

**TEN ACHTSTE:** 't Is weer effe geleeje, det de Rabbedabbers de troën vanne Prins nao de wiëk Natterveldj hōb-  
be gebrach! Noe zulle ze dao ouch minder gaon slaope, want het fiëste oppe straot geit door tot laat in de nacht!

**TEN NEEGENDJE:** In Kinder kènne ze mich es Piël, eine biejnaam, krachtig en kort! Es miën Prinsejaor òm zal  
zeen, weurd carnaval veere oët gerope tot ein olimpisse sport!

**TEN TIËNDJE** Ich begin bij de Rabbedabbers vandaag es Prins aan ei twiëdje lèeve! Nao ei paar jaor rōst, kin ich  
de kōmendje 365 daag het bèste van mich zelf gèeve!

**TEN ELLEFDJE:** De Jupers, nog ein bende maote diej ich ouch neet in de steek zal laote, want bij mich zörgtj ei  
glèeske beer ch veur ene houp plezeer.

Eine lekkere barbekjoëw weit ich te appresjere dus loat mer weite wienië wèe het gaon veere!

*Mèt Prins Piël,  
drinke wèe de  
tôn neet half  
leeg, mer  
hiël!!!*

# PROKLAMASIE

## JEUGDPRINS

### JARNE I

### EN

## JEUGDPRINSES

### BRITT I



#### TEN IËSTE:

Ich  
bèn Jarne  
Meurs, zoon  
van Marc Meurs  
en Inge Brouns. Mer  
vanaaf vandaag maag  
eederein mich aanspreeke es  
**Jeugdprins Jarne den 1e!**

**TEN TWIËDJE:** En ich bèn Britt  
Maessen, dochter van Maurice Maessen  
en Sandra Horsmans. En vanaaf  
noë tot volgendj jaor rôndj deze  
tiëd, heit ich **Jeugdprinses Britt de 1e!**

**TEN DÖRDJE:** Veur mien broor Daan en mien  
zöster Jutta zal het de kômendje tiëd neet gemakkelik  
wèere. Want es Jeugdprins gaon ich al mien hoëswirk de  
volgendje wèeke oët henj gèeve!

**TEN VEERDJE:** Miën zöster Fleur waas jeugdprinses in 2013,  
en det waas zoë sjik det papa bij de Road van Èllef is gegange  
Mer dit jaor is het miën beurt, òm de roëd gèel greun vlag aan òzze  
gevel oët te hange!

**TEN VIËFDJE:** Ich roop tot en mèt de carnaval de Hagendoren oët tot de  
meist muzikale wiëk van Kinder

Want es drummer en gitarist zörg ich regelmaotig veur hiël get geluidshinder!

**TEN ZËSDJE:** Het leefste waat ich doen is piano speule en volleyballe  
Mer tösse vandaag en het inj vanne krokusvakansie laot ich de chocokurke knalle!

**TEN ZEEVENDJE:** Es wèe mèt de carnavalsdaag mèt hiël de familie d'r op oët trèkke òm te  
gaon fiëste. Lètte òs bordercollies Flako en Goran oppe koëi: 2 échte waakbiëste!

**TEN ACHTSTE:** Eine frit mèt ein frikedel, missjien neet gezôndj mer waal lekker en snel klaor  
Mèt de carnavalsdaag is det 3 daag de menu, ich gaon veur eine kilo te zwaor!

**TEN NEEGENDJE:** 'The Force' is mèt mich, dus deze carnaval weurdj 'r eine òm noëts miër te vergèete  
Allein môt ich waal op tiëd en stôndj angere power op doen, door eine lekkere hamburger te ète!

**TEN TIËNDJE:** Later wèer ich pianiste of arsjitektj, den teiken ich sjikke hoëzer en speul ich sjoëne meziek  
Mer des verre toekômst, nôw trèk ich mèt de Rabbedabbers in polonaise door de wiëk!

#### TEN ÈLLEFDJE:

Ôos leuze veur dit jaor zal zien:

*Mèt Jeugdprins Jarne en Jeugdprinses Britt  
Weurdj carnaval 2016 ein regelrechte hit !!!*





# AOD PRINS WOUT 1 & DE RABBEDABBERS BEDANKE DEES HANJELÈERS VEUR HUNNE STEUN IN 2015 ...

Aardbeien Albert Royakkers, ABC wooninrichting, ADK Doumen, Adviesgroep RuKo, Afwerkingsbedrijf Carpentier, Alg. Kitwerken Jacky Neyens, Amerikaanse Stock Geelen, Apotheek Peeters, Aveve Verbeek, AVK Transport, Bakkerij Martens, Balance Voetreflexologie, Bandenschop Kinrooi, Beelen Sven Algemene Elektriciteitswerken, Begrafenisonderneming Vancleef Kinrooi, Belfius Kinrooi, Bistro Chez Vie, Bloemencreatie Monique, BNP Parisbas Kinrooi, Bouwbedrijf Dirckx J., BVBA Verheyen Elektro, Café De Limburger, Café 't Rond Punt, Café Sport, Chocolade Atelier, Danny Kunnen – KD Interieurbouw, Danny Vandevorst, Dierenarts Bruckers, Dierenarts Demoree, Diëtiste Tienieke Silkens, Domen Drinks, Doopsuikers Jill, Dr. Bullen, Dr. Hechtermans, Fietsen Henkens Eric, Fietsshop Vandewal, Frituur 't Hapje, Frituur GiGi, Frituur 't Simpelke, Garage Benny Jacobs, Garage Brouns, Garage Vandervecken, Garage Winters, Gebr. Royakkers Aardbeien, GPM Gijbels, Grondwerken Heymans, Henri Ceyskens Inox, Herenkapper Piet, Huzur Kebab, Jan Smeets SMEPO, Kapsalon Brigitte, Kapsalon Ellen, Kapsalon Madeleine, Kapsalon Marie-Therese, Kapsalon Perfect styling, Kapsalon Suzy, Karel Rutten, KBC Kinrooi, Keukens Vanthoor Eddy, Kinesist Loyen J., Kinesiste Els Bosmans, Kinesiste Ilse Jacobs, Kinesiste Lieve Klaps, Kinesiste Stefanie Joosten, Kinsport, Koolen Rudy - ERGO, Kuypers Peter, Lemmens Marc BVBA, Linssen Stan Verzekeringen, LS Car Service, Lunchbox, Maco Elektro, Meetcentrum Bullen, Melkveebedrijf Linssen – Beckers, Naaimachines Janssen H., Nachtwinkel 't Dorp, Notaris Debucquoy, Openhaardenbouw, Optiek Staeren, Petroleumproducten Segers, Press & Paper Clips, Q8 Keyers Jos, Radio Monza, Schoonheidssalon Maryeskai, Schrijnwerkerij Smeets H., Security Willen, Segers Marc, Segers Snacks, 't Stampertje, Stukadoor L. Houben, Tandarts Johan Lemmens, Tandarts Vanende M., Tattoo Jos Breukers, Theybers Rudi DVV, Thuisverpleegkundige Myriam Kesters, Traiteur Peter Cremers, Tuinaanleg en –onderhoud Chris Hendrikx, Vanwijck Tony Sanitair en CV, VDS Elektro, Veehandel Schoefs, Verzekeringen Geert Teuwen, Verzekeringen Schaekers, Verzekeringen Teuwen Stefan, Wassalon Waspunt.



# KINROOIENIËR EN WÈERELDJBÖRGER!

Groët waas ôs verbazing toen bleek det **Jan Linssen** neet aanwezig waas oppe stoet in Kèsing, veurig jaor. Meniër waas, zoë bleek, in Denemarke veur ein zeiktôn te gaon koupe. In Denemarke!!! De bôks van ôzze hoofdredakteur is dèen daag aafgezaktj, en hêe heet hiël Kèsing carnaval mèt de vot half bloët geloupe.

Achteraaf bliëktj het toch neet zoë gek te zeen, det Linssenboor mèt ziene Fendt nao Denemarke is gereeje. Dao zeen waal miër luj oët Kinder diej mèt de regelmaat vanne klok angere oorde opzeuke. En det zoëwaal veur ôntspanning, es veur zake te gaon doon.

Wèe ginge ei deil dörpsgenoëte opzeuke ôm ins te rize-nere euver diej trips nao het boëtelandj, en van sôm-mige kregre wèe zelfs get vakansiejfoto's mèt veur publikasiej!

Jaak, Vanlee en Mart Wiërs zeen nao Osaka gegaon ôm zich ei fris Japans pintje te drinke




喝采

De men van Huzur Kebap ginge nao Ierlandj veur ei autentiek Iers sjaop te koupe



Dis wan!  
Wie teejk dis wan!

Bram Terium geit nao Puket ôm get leefdje te koupe



Kwanta kosta veur som swiet loving? Mie lof joe long taajm!

Bukssjete Landelikke Gilde: Lange Né gediskwalifiseerdj



Sjèemell!

Hèe stông te kort bie de bôlkes!

't Beer kumtj later!



Iëst water.





## AANGEBRANDJE MÔPPE



**Inge Bogie**  
en **Prinses**  
**Petra** staon  
inne hoof wor-  
telle oët te trèkke.

Op ins trèktj Petra eine wortel van waal 30 centimèeter oët de grôndj. “Kiëk hiej, zjust dèe van miëne mins!” lachtj Petra.

“Zoë groët?” vreugtj Inge.  
“Nèe, net zoë smerig,” lachtj Petra opnôw.

Twie homo’s hōbbe vreijel ôngerein. Zeet d’n eine tege d’n angere: “Jōng, lek mien reet!”

Antwoordj d’n angere: “Noë neet! Ruzie is ruzie!”

**Steef Thaens** kumtj al veur de dōrdje kiër te laat op het wirk. **Isabelle Doumen** is het meug en reuptj Steef bjeur oppe buro. “Steef, esse nōw nog ins te laat kums, trèk ich dich ein oor aaf!” zeet Isabelle.

Steef bekiëktj heur ins en lachtj: “Den hoop ich desse gein kaoj henj hōbs!”



Witte kassa?  
Ich zèt nog leever de  
keuke te koup!

## KINDERSE HOREKA SJAKELTJ EUVER OP WITTE KASSA’S!

Jōng, jōng, jōng. Waat is det toch allemaol mèt diej witte kassa’s. Eine houp gezeiver, eine houp tegestandj, zoë liëktj ’t waal. Ouch in Kinder staon de caféoëtbaters mèt de rōg tege de moor. De witte kassa zal d’r nao veul vieve en zesse toch kōme. Ôs redaksie ging zich get geldj vanne bank hole ôm ins flink op café te gaon, gewaopendj mèt pen, pepeer en kodak. Wëe ginge ôs leegt opstèeke, en stèldje de vraog wiej de Kinderse horeca de introduksiej vanne witte kassa’s verteerdj!



Ich hōb al 40 jaor eine dōnkelbroëne  
kassa.  
En det zal ’r blieve ouch!



Wëe hōbbe al sins ôs  
opening eine w...

Shhht!  
Eine wèerse kassa,  
Ronny. Eine wèerse  
kassa hōbtj gèe.



Witte kassa?  
Dèe hōb ich al  
lank!



# VERSJUËVINGE INNE IMMOBIELIEJESSEKTOR IN KINDER!

Eederein in Kinder wètj det den Aldi kreuntj ônger het sukses, en det het pandj boë det ze noë zitte veul te klein is. Gelökkig laote diej luj van de Aldi zich neet ônger ein klak vange, en hóbbe ze al eine bôwgrôndj op 't oug: de plaats boë de fanfarezaal stuit! Dao stuit mèt anger weurdj hiël get te gebeure/ versjuuve in Kinder!

Volges ôzze reporter ter plaatse heet de Aldi neet allein de fanfaar, mer ouch **Mark Elen** oët gekoch. Mark heet ter kômpensasiej ei bedriëf in grondj- en aafbraakwirke gekrege inne Gaza-strook. Wirkgelegenheid veur 100% verzekerdj!

Ouch de technisse deenst zal môtte oëtwiëke. Op dit momentj wètj nog neemes boë hëer, diej ôngerhanjeling loupe nog. De luj vanne technisse deenst zitte nöriges anders bèeter versjole es boë ze noë zitte en op ein anger plaats is de kans (lès: het risiko) op wirk veul grôeter. Weurdj zeker vervolgdj!

Oppe vriej gekôme plaats boë noë de huidige Aldi stuit, weurdj ein fusiej van fitshanjelèers oët Kinder oët de grôndj gestampjt. Erik Henkens en Miel Vandewal hóbbe



de raajer inein geslage en gaon hun imperium geveulig oëtbreije. “Es VDS veur sjaalvergroëting geit, kinne wèe neet achter blieve,” aldus Miel. Miel wirktj al jaore lank aan zien eige lijn mountenbaaiks ‘Miel van Dewalt’, en hëe is volges eige zëgge de eige koëi al efkes ôntgrujdj.

Es Miel en Erik binnekort eindelijk kinne verhoëze nao de Breejerwèeg, kinne hun veurmalige hoëzer wèere ingerichtj es gemeinsjapsruumtje, ter vervanging van de parochiej-

zaal zaliger. Ouch de fanfaar kintj heur ripetisies dao gaon haoje. Eine verhoës vanne fanfaar nao de aoj sporthal liektj namelijk erg ônwaarsjienlik. Vinj mer ins ein oplossing veur de struisvogels van Linda Eerdekenes en heur twirlendje All Stars. Ôm nog mer te zwiege euver de kurvendje OKRA's.

Zoë zeetj gèe mer, de oëtbreijing van ein zaak heet ouch in Kinder hiël get veut inne èerd. Dao is toch get oët in ôs Dörpke. Opwindendj röstig!



## GEPERSONALISEERDJE NUMMERPLATE IN KINDER!

Het liëktj waal ein nôw raasj. De zuës het miër en miër opduuke: gepersonalizeerdje nummerplate oppe otto's. Waat vreuger veur de heppie fjew waas, kintj noë bliëkbaar ouch veur doëdgewuën luj. Ouch in Kinder viltj het op, det hiël get wuillesse rôndj kerre mèt ein spijsjaal nummerplaat. Ôm door de buim het bos nog te kinne zien, hóbbe wèe ei liëstje gemaakj van Kinderse nummerplate. Den kintj gèe van wiëd zien wèem veur of achter uch vaartj!

**B BÖRGER #1**

*Jo Brouns*

**B HOI HOI**

*Mathy Kwaspen*

**B APU NAHASAPEEMEPATILLON**

*Oetbater nachtwinkel*

**B BEUK TOË**

*Suzy van Malpertuus*

**B VOL**

*Clara Rondpunt*

**B KNAUWEL**

*Jo Kwaspen*

**B IS IS OK**

*Haatbaard Bouloudo*

**B MNO>HOM**

*Peter Hoedemakers*

**B STICKERBAK**

*Lucske Walen*

**B EWDDH**

*Dr. Bullen  
(En Waat Dinkse Desse Höbs?)*

**B RIEK**

*Riek van Kaat*

**B RIEKER**

*Notaris Debucquoy*

**B RIEKSTE**

*Roel Bosmans*

**B DANKE HÈ**

*Anja Legerstock*

**B LONG WOLF**

*Bart VDS*

Anno 2016 ...



Al diej vroluuj wille ei sekslèeve wiej in 50 sheeds of greej...



Mer pas good op esse ins eine kiër ei vingerke inne vot stiks...

IS-aanhangers hekke de websaajt van Maaslandj Noordoost



Allein de ploogfoto vanne vroluuj heet sjaai opgeloupe...



Anno 2016 ...

Boë is d'n tiëd det wèe binne ginge rouke en boëte ginge pisse...



## GEWUËN MÔPPE

**Maddy Peeters** ligtj zeek in bèd. **Jos**, heure mins beltj **dokter Hechtermans** en efkes later kumtj dèe al langs. Hèe stoptj eine termomèeter in heure môndj en zeet: "En nôw ei keteerke de môndj toë haoje, Maddy."

Jos puktj Hechtermans mèt oppe gank en zeet: "Zèg dokter, wiejveul vraogtj gèe veur zoë eine termomèeter?"

Doa is ein zwaor euverstrouming en **Marc Meurs, Inge en Jarne** zitte op het daak vanne koëj. Opins drieftj 'r ein klak veurbiej. Iërst drieftj 'r nao links, den weer nao rechts, den weer nao links, enzoëvoorts.

"Waat is mich det nôw", vreugtj Jarne.

Marc: "Oh, det is bômpa. Dèe ging het graas meije, wèer of gei wèer."

**Ruud Vanaken** tege **Christof Vanvljmen**: "Dich höbs ei drankprobleem." Vanvljmen tege Ruud: "Jông, ich höb zjust gei probleem mèt drank!"

**Miel vanne Lunchbox** tege **Jean Vanlee**: "**Lissianne** waas aafgeloupe wèek zoë krank, det ich heur nao de keuke môs drage, zoëdet ze mich ein tas koffie kôs zètte!"



Jan Linssen en Wout Hoeken aanvaarde ekskuses Benito Raman neet!

Sorry det ich gezag höb det alle boore homo's zeen...



Lisbeth en Renild!

Haoj ôs tegel!

Jeugdprinsepaar weurdj gek es ze teveul sôkker hóbbe gehad!



Stoofvleis! Dao keek ich nao oët. Welk beer hóbse gebruektj?



Beer? Ich hób hiëlemaal gei beer gebruektj...



Mpf... Det kinse toch neet meine???





Moslingemeinsjap hooptj sôkkertaks in Belsj te ôntloupe...



Sôkkerfiest hêtj veurtaan Aspartaamfiest!

Neegels mèt köp: Hoöger Op Biëssel



Want in veerdje provinsjaal kinse neet miër zakke!

## KIVOC MUKTJ KAFETARIEJA SPORTHAL AANTRÈKKELIKKER!

Ei gebrek aan inisjatief hōbbe wèe de dames van KIVOC noëts kinne verwiète. In samespraak mèt de nōw oëtbaters van Kafetarieja De Sjans, gaon ze ei kommersjeel gaat inne mèrret aanbore. Eedere iëste vriedig vanne maondj touvere ze de kantien òm tot 'De Sjans 2.0'. "Eine naakskalender is zoë 2010,"

leutj **Dorien Cleeren** òs weite. "Wèe merke det de aovendjmitsje van Maaslandj Noordoost, boëte de vaste supporters ouch hiël get ekstra volk oppe bein bringe, daomèt pakke wèe dit inisjatief. Wèe dinke trouwes det de luj toch miër aangetrokke wèere door get waat echt is. Kleijer koupe via eine




websjop, tot dao aan toë. Mer esse nao de slechter geis, wilse toch gèer efkes het vleiske inne vitrien zeen ligge. Dao is mer eine regel: kiëke maag, mer aankōme neet!"

Ôngertōsse oppe Hoverstraat...






# KÈERELS MÈT EINE KLEINE!



Ive Kerkhofs mèt Daan



Bart Peeters mèt Lotte



Raf Terwingen mèt Femke



Tom Prenen mèt Mien

## GEWUÈN MÔPPE

**Bart Douma**, de pelis, hiltj **Wielke vanne bekker** aan. De woors aan 't zigzagge euver de wèeg, zeet Bart. "Jeh nateurlik, anders haaj ich al diej roos olifante aangereeje!" antwoordj Willy.

Van hël wirke is nog noëits eine doëd gegaon, zeet de baas tege **Prins Roland**. "Det weit ich waal," antwoordj Piël, "mer ich wil zeker neet d'n iërste zeen!"

**Jos Vandewal** kumpjt mèt de carnaval bij **Rina van Café Sport** binne. "Bès dich nôw verklèdj es badkuup?" vreugtj Rina verbaasdj. "Jao," zeet Jos, "ich gaon mich vandaag hiëlemaal vol laote loupe!"

**Jos Moors** kumpjt bij **dokter Bullen**. "Dokter," zeet 'r, "ich môt eederen daag kakke ôm 6 oor." "Mer Jos, det is toch gei probleem..." antwoordj Fons. "Jaowaal," zeet Jos. "Ich wèer pas ôm 7 oor wakker."

Ôngertösse in het aards paradijs. Eva zeet tege Adam: "Hilse van mich?" Zeet Adam: "Jeh jao! Van wèem anders???"





# LANDELIKKE KOKKE

De Kinderse Landelikke Gilde kooklèsse. Spisjaal veur de j...  
Gilde d'r in òm neemes min...  
van het koke aan te lière. W...  
òngerkoover, òm tösse het sjèl...  
van het...  
Ei dink is zeker:

Pool begintj bie het begin...



Hèe lièrtj Marc van Hover wiejse sop van gister mós opwörme!

Òm Pool ludiek te doupe...



sjèertj Pieter Vanhoef hum eine Huysentruyt-snit!

Marc Sniekers lètj alweer neet good op...



Hèe leutj ziène kursus en zièn klak in brandj vleege!

De innige mèt 2 henj vriej is Pool zelf...



Hèe puktj den ouch alles waat mèt 't koke te make heet veur zièn rèekening.

Jônges,  
dink ter aan:  
neet teveul zaot  
gebruèke!



In Pool ziène tièd keke zaot mièr o...

De lèste lès moge de vroluuj kôme èete...



Peter Cremers smokkeldj inne late naomiddig het èete nao binne!

Volges Pool is de 5-sekonderegel dikke zeiver...



5 minute geit ouch nog!  
Gewuèn efkes aafspeule en  
opwörme inne mikrogolf.

Al waat neet aan Pool zièn norme volduit




Dèe knuis van Jan Smeets en Vanvljimen löste zelfs de verkes neet...



# GILDE ORGANISEERTJ:

# MÈT POOL!

de stuitj bekindj veur heur kulinèer hoëgstaondje  
 ônger lede (lès: eederein ônger de 45) slaagdje de  
 der es **Pool Frit** te strikke, ôm hun de edele kunstj  
 èe vanne Rabbedabber steurdje ouch ei jônk veule  
 le vanne èerpelle, het koke vanne sop en het braoje  
 vleis door, get foto's te trèkke.  
 het waas waal degelik veur beginners!





# KINDER INVESTEERDJ IN ALTERNATIEVE SLUM KAMERA'S!

Mèt al det gevreijel tösse de luj, het kônstant oppe loup gaon esse eine angere ôngerstebove höbs gevarre, en in het geval van Kinder de grenskriminaliteit, vindj **Jo Brouns** de maot vol! Ouch Kinder geit investere in slum kamera's. Det zeen kamera's diej van wiëd ein nummerplaat herkinne, en diej den zelfs in eine gank kinne nao trèkke ofse diën verzekering waal höbs betaaldj of sjoën oppe tiëd nao de ottokeuring bès gewèest.

In Kinder trèktj Jo echter volle bak de kaart van ei prachtig alternatief, det minstes èeve good is en veural ei pak goojekouper! Ôzze bôrgervader kreeg det gedacht op ein van de Kinderse dôrpsresteraos. Waat dao Jo drek opveel waas det al diej aoj van dage sneller oppe huëgdje zeen van het reile en zeile van eine houp hoëshaojes, den det de betrokke minse det zelf zeen. Esse ein kwaotông zous zeen, zouse zelfs kinne zègge det sômmige luj nog ein sjeijing zouwe kinne veurspelle tot oppe daag presies.

“Dringendj tiëd dus, veur eine wirkgroep en ein proefprojekjt,” heet Jo gedacht, en hêe pôk de kôw bij heur horens!

Op het Dôrp weurdj gestartj mèt ein groepsbewaking. De 2 vaste poste wèere bemandj door **Madeleine Meuwissen** en **Mia en Henri vanne Bôndj**. Gewaopendj mèt eine verrekiëker, ei notisiebeukske en eine gsm mèt extra groëte toetse, lore ze van in hunne zèetel nao al waat passeertj op 't Dôrp. Es tegemootkôming vanwege de gemeindj wèere de rame eeder wèek gewasse door d'n technische deenst.

Dao is veur 't Dôrp ouch eine mobiele post veurzeen, dèe zich mekkelik kintj verplaatse. **Rie van Christis** heet 'r mèt ingestômdj ôm ziene toor van het Berbekapelleke tot aane bössestasiej en trök oët te breije. Hêe zal veurtaan ein rundje doon van aane kapel, langs de kirk en Math vanne Kwasp, wiejer nao bekkeriej Martens en zoë trök oppe kapel aan. Ôm neet drek op

te valle, zal hêe det in zien gewuën kleijer doon. Niks kepiej of fluo jeske! Waal weurjd Rie oëtgerôstj mèt ei fleske pepperspreej. De wèts namelik mer noëits mèt al die ekstremiste inne naober! Ouch kriëgtj 'r eine koptillefoon oppe kop mèt eine mikro. Zoë kitj Rie zônger probleme kommunisere mèt Madeleine en de familie Bôndj, en heet hêe toch de twië henj vrij.

Dankzij de ploog op 't Dôrp isser al hiël get ellendje veurkôme. Rie en Henri haaje zoë al redelik vlot inne gate det **Anja vanne Legerstock** weer aaf kwaam zette mèt heur snoejsjiër, van 't momentj det de keesboom weer stông. Snel ingriep e veurkwaam zoë detter weer ein hiël deil tek zouwe verdwiëne. Het is uch ôngetwiefeldj ouch opgevalle det dèe keesboom ter dit jaor veul bèeter oët zuët. Ouch de euverlast van vluchteling diej zônger det te vraoge eovernachte inne Berbekapel is ôngetôsse vanne baan. Good gewirkjtj, zouwe wèe zègge!







Ôm good te kinne vergeliëke, kumpjt 'r oppe Brookhook ein eimansprojektj, ôngersteundj mèt ein sensibilizeringskampanj. **Leon Pouls** zal de hiële kôntrol van gans de brookhook op zich pakke. Het veurdeil van Leon is, detter nog redelik snel en bij de lès is. Van hiël de Brookhook kintj 'r zelfs de hunj vanne luj bij naam. Boë det jaore in 't ôngerwiës al neet good veur zeen!

Aan de versjillendje invalswèeg wèere door de gemeindj zoëge-naamdje 'ôntjraojendje affiesjes' gehange. Eine gewaarsjuwdje mins is ter namelik twië wèerd!

Wèe vanne Rabbedabber dinke det dit inisjatief weeral ei sjot inne roës geit zeen. Wach mer tot de rest vanne Maaskantj weer oppe ker springtj! Ein dink is zeker: eine slumme kamera kintj neet op tege eine slumme bôrger!



## WIST GÈE DET...

... **Tom Vanlee** en **Sammy Paradis** zeen oëtgerope tot Kroënridder 2016. Zoë jônk nog en toch al zoë ein groëte verdeenste veur de Kinderse carnaval! Sjik is det!

... 11 jaor geleeje, in 2005, **Jean de 7dje Vanfloorop** ôzze groëte Prins waas, same mèt ziën Prinses **Gerda de 1ste Verstraten**. Det jaor wore **Cédric den 1ste Verlaek** en **Michelle de 1ste Hendriks** het Jeugdprinsepaar van Kinder!

... 22 jaor geleeje, in 1994, **Marc den 1ste Vrolix** en **Sonja de 1ste Opdelocht** hun Prins-en Prinsessejaor belèefdj hōbbe, same mèt Jeugdprins **Frank den 2dje Segers** en Jeugdprinses **Jana de 1ste Neys**.

... 33 jaor geleeje, in 1983, het het jaor van Prins **Jan den 1ste Houben** waas. En det Jan det jaor mèt **Jos den 2dje Moubax** eine geweldige Jeugdprins nèvee zich haaj.

... wèe al diej Prinsepare van lank geleeje op gepastje meneer inne bleumkes hōbbe gezat oppe Prinsezitting van 9 janewariej!

... **Jan Linssen** is gestoptj es lid vanne Rabbedabbers. Jan waas Prins in 1992, mèt Prinses **Reinhilde** aan zien ziej, en is sins toen ônaafgebroke bij de stuwendje krachte vanne Kinderse carnaval gewèest. Neet allein in zien jaore es veurzitter, mer ouch es hoofdleversier van traktaōrs, generators, lol en plezeer. Wèe bedanke Jan bij deze veur alles waat hèe veur de Kinderse carnaval heet beteikendj, en zegge hum nog dit: Jan, aod-Prins bliefse veur het lèeve!!!

... dit jaor oppe zitting de Raod van Èllef heet opgetroje es Robbie Williams en ziëne bend, en det de aod-Prinse eine prachtige Naajt of de Proms medlie hōbbe gebrach!

... det diej aod-Prinse mèt mer leefst 18 man oppe bühn stōnge!

... detter get breujdj binne diej aod-Prinse, en det wèe det sjik vinje!

... detter veur de rest ouch prachtige optreejes wore van de All Stars, de Sjaaimakers, de vrōluj vanne Rabbedabbers en ei verrassingsoptreeje vanne vrōluj vanne Sjaaimakers!

... det **Linda Eerdeken** dit jaor ins op heur gemaak nao de zitting heet kinne kiëke.

... desse mèt **Danny Kunnen** waal kins wirke, mer neet kins meeje!

... det ôzze **Prins Roland 1** volges ôs nog plaats genōg heet in ziën graasj ôm get vluchteling op te vange!

... **Jaak Jacobs** good op wèeg is ôm ziën eige gesteldje veurwaarde, ôm in aanmerking te kōme ôm oeits Prins te wèere, te vervōlle!

... wèe alzelève **Piet Verheyden** oppe zitting hōbbe rōndj loupe ôm foto's te trèkke, en det hèe det good duit! Diej 100 euro waat hèe kriëgtj veur diej zittingfoto's en ein reportaasj van ôs Prinsepare, geuft hèe zelf aan het Kinjerkankerfōnds! Eine prachtkèerel mèt het hart oppe juiste plaats!




# INTEGRASIEJ ASIELZEUKERS VERLÖPTJ IN KINDER ZÛNGER PROBLEME!

Gèe höbtj 'r vast nog niks euver gehuërdj, mer ouch in Kinder wèere asielzeukers opgevange. De integrasiej van diej luj verlöptj echter zoë good, detter eigelik nog gein ònge-regeldjhede zeen veurgevalle. Dao höbbe nateurlik wèe, Kinrooieniëre zelf, alles mèt te make. Es wèe get doon, doon wèe het good!

De Rabbedabbers zelf vange 3 asielzeukers op inne carnavalesloëds. **Danny Kunnen** heet, weliswaor ònger drök vanne Raod van Èllef, de sleutel van zien kôtje aafgegeëve. **Bart Janssen** heet vervolges het kot oëtgemèstj en ter vees struë in gelag. Wermer kinse neet ligge! 's Middes moge ze gaon werm ète bie **Thieu Droushout**. Dèe mins is al lang blij detter ins get angere kal heet aane taofel. Es tegemoot-kòmning vraoge de Rabbedabbers det de 3 asielzeukers de loëds van tiëd tot stòndj ins opruëme. Neet teveul gevraagd, des òs meining!

Inne Noordhook zeen ze nog miër begaon mèt al diej erm luj waat op hiej aan kòme. Oppe Goërterhuuskesstraot höbbe ze ein groëte fiësttent gezat, òm ein hiël laajing op te kinne vange. Òmdet integrere veur de men vanne Goërterhuuskesstraot erg belangriek is, wèere dao al hiël get kursusse gegèeve aan diej men. **Jack Neyens** organiseertj eedere wèekdaag 's aoves eine kursus beersoorte herkinne. Volges het prinsiepe 'strafte en beloëne' môtte de deilnummers eeder pintje det ze neet herkinne nao de iërste slòk, ad foendoem oët drinke. Dao maag namelik bèst get drök achter zitte volges Jack. Es ze wille gepamperdj wèere, môtte ze mer in Biësel of Kèsing asiel gaon aanvraoge. Dao pampere ze ouch al diej Hollèn timers al, en kiëk mer wiej slecht dao de integrasiej verlöptj!

Biej **Ed Smeets** kinne ze terecht veur ein biejsjoëling 'op tempo drinke'. In òs maatsjapiej is snelheid namelik zeer belangriëk. Es dich ei te traag tempo höbs, kumse



in òs veuleisendje arbeidsmerret neet aane bak.

Weer ei Goërterhuuske wiejer wirktj **Hendrik Neyens** aan òs opgevange vluchtlinge hunne innerlikke mins. Maag en dèrm môtte good in orde zeen, wilse volop kinne geneete van òs bourgondis lèeve, hiej in Kinder. Door zoëveul meugelik doorein te drinke, en tössedoor nog ins allerlei hapkes en vëttigheid te snuïke, trène ze bie **Veuske** eedere maondig, woonsdig en vriëdig het gestel. Het wïekendj zeen ze vrië, en den weurdj 'r meital massaal op 't huuske gezèete.

De jung van al diej vluchtlinge, wèere vakkundig opgevange door **Chantal Kuppens**. **Eddy Conen** heet al ei deil van d'n hoof aafgezat mèt draod òm de massale toëstroom aan te kinne.

Ouch bie **Radio Monza** doon ze ein duit in 't zekske. **Pierre**







Ônrein bèn ich! Det  
zeet Gaelle ouch altiéd!

Ich zèg mer zoë:  
ich zèg mer niks...



**Christis** is eederen daag van 's mör-  
ges tot 's aoves laat aan 't traktere  
mèt blökskes in de hoop ôm eine  
nôwwe DJ te kinne strikke. Doa  
zeen ter namelik ei pak bij diej  
nog mèt platespeulers en pik-ups  
kinne wirke. En laot nôw net d'n  
hiële kelder nog vol ligge mèt  
vieniele plate diej – jaomer genôg –  
neet miër gebruektj wèere.

Het is nateurlik neet everal ei  
sukses, de höbs toch te make mèt  
ei flink kultuurversjil. De **familie  
van Acht** waas zoë good ôm nao  
de beginnerskursus 'beer preuve'  
van Jack ein laajing asielzeukers  
te traktere op eine echte Kinderse

barbekjoew. D'n daag d'r op heet  
**Maurice** zich det flink beklagdj!  
“Vrèete en zoëpe kinne ze, mer  
opruëme? How mer!”

Det neet eederein ève hel mèt  
wirktj aane integrasiej van al diej  
erm sjaöp, bewiestj den weer **Bart  
Kunnen**. Verklèdj es verke dich  
bij Huzur eine kebab gaon be-  
stèlle: nèe, det duise gewuënweg  
neet...

Gelökkig sluit de balans flink door  
in het veurdeil van de luj mèt het  
hart oppe gooj plaats. Daorôm  
zègge wèe vanne Rabbedabber:  
“Proficiat Noordhook! Foei Bart!”

## GEWUËN MÔPPE

**Nicky** geit eine maandj nao  
Frankriëk veur 't wirk. **Rik  
Vliegen** is heur al wèeke  
aan 't koejenere: “Pakse veur  
mich ein lekker Française  
mèt?”


Zelfs oppe daag det 'r heur  
aafzètj op het vlegveldj, zeet  
hèe boë de familie enne vrunj  
bij zeen: “Vergèet diej lekker  
Française neet mèt te bringe  
veur mich!”

Eine maandj later kumptj  
Nicky trök. Rik begintj weer  
drek: “En, hóbse diej lekker  
Française bij veur mich?”

Nicky antwoordj: “Kiëk,  
Rik, ich hób 'r al aan gedaon  
waat ich mer kos. Wèe môtte  
gewuën 9 maandj wachte, en  
den hoop ich veur dich det 't  
ei mèegtje weurdj!”



# BÔMME OP 'T KÔNTÈENERPARK: HET ÉCHTE VERHAOL!



Volle bak komosiej in 't resie-  
klaasjpark, aafgeloupe zomer. **Pé  
Fiddelaers** waas ônger 't wanjele  
oppe Goërt gestruukeldj euver get  
aod iëzer. Wist hêe veul detter mèt  
zien lômppe puuj euver eine aoj bôm  
oët WO II waas gevalle. En al zeker  
neet det het neet euver ein bôm ging,  
mer eine hiële houp springtuug!

Good, Pé beltj ziene maot, **Pé  
Theijbers**, veur gooje raod. Zoë geit  
det altiëd ônger kameraöj. De môs  
d'n eine d'n angere ouch helpe es het  
kintj, neet waar? En we zeen neet  
allemaol ève slum, dus twië weite  
ter miër es eine! Pé Theijbers, dèe de  
gooje raod veur het oprape heet, wis  
ter waal wèeg mèt. De knònskeugel  
inne kroekèr, en nao 't kòntèenerpark  
d'r mèt!

Einmaol dao gekòme vônje ôs heldje  
neet drek op welke knòp det ze  
mòste dôwe. Twiëfel alôm. In dèe  
tiëd zatte ze nog neet oppe verpak-  
king of zoë ein bôm nôw biej de  
PMD, het aod iëzer of het groof  
voël huërdje. Toen de riej wach-  
tendje achter hun echt waal lank

waas aan 't wèere, vônj ouch **Danny  
Jaroszewski** het good gewèest,  
en hêe zag tege **Roland Janssen**:  
“Roland, stank dich ins efkes op en  
gank kiëke waat diej uële zoë lank op  
diej wèegbrök blieve staon. Ich bèn  
zjust bezig mèt get belangriëks...”

Roland de boëte in, slôfdje nao Pé en  
Pé, en kreeg bekans ei beslaag, toen  
hêe zich euver de kroekèr boog! “Ein  
bôm!!!”

Danny en Roland stònge efkes later  
naat van 't zweit in het gemeindje-  
hoës, boë ze de DOVO mer gebeldj  
hòbbe. Kòntèenerpark aafgeslote,  
bômme ôntmanteldj en vèerdig.  
Danny en Roland zate ôngertösse  
get oët te blaoze op het terras van de  
Limburger. De môs gei risiko pakke  
es het neet nuëdig is.

De dao op volgendje maondje haaj  
Danny het gevônje. Wirkelik veur de  
meist flauwe zeiver stòng hêe weer  
mèt eine bezwèdje kop aane balie van  
ôs gemeindjehoës te kuëme. Echt  
eine sjrik gepaktj? Of misjien iërder  
ôm 't minste de boel wille laote aaf-

zette, ôm den de puëj ônger taofel te  
kinne sjuëve? Wèem zal het zègge?

Wèe weite oët gooje brôn det het  
zweijleegt enne sirène van het resi-  
klaasjpark aan ging toen **Marc van  
frituur 't Hapje** mèt zien aod fritvèt  
kwaam aangereje. Ouch toen **Albert  
Royackers** eine remork greunaafval  
kwaam bringe waas het tiëd. Danny  
vindj èerdbiëre namelijk “vriëj ge-  
vaorlik” veur ziën zwake derm. Eine  
angere kiër ging hêe oppe loup toen  
**Tom Prenen** mèt ein veese laajng  
kakpampers van **Mien** veur de slaag-  
boum stòng. Toen **Raf Nijs** inkel en  
allein eine zak PMD kwaam aaf go-  
eje, en Danny weer oppe luip sloog,  
waas veur Limburg.net de maot vol.  
“Jao, het waas mer PMD, mer Raf  
haaj waal **Emiel** biej, en den wètse  
mer noëits!” haaj eine ôntredderdje  
Danny gezag.

Danny stuit veurleupig op non  
aktief, kriegtj psiechologisse begelei-  
ding en **dokter Hechtermans** heet  
hum mèt de carnaval ein wèek platte  
röst veur gesjreve. Es det mer good  
kumpjt!





# FLITSE VAN OPPE PRINSEZITTING!





# FLITSE VAN OPPE





# PRINSEZITTING!





# GEWUËN MÔPPE

Pestoër kumtj zich eine trappist drinke in Café 't Rôndj Punt. **Ronny** is nôt en zeet tege pestoër: "Esse nôw volgendje kiës es het mès is, zègs: "Gèef ôs hede ôs dageliks beer", in plaats van dageliks broëd, den betaal ich dich 1000 euro!"

Pestoër geit 'r neet op in, mer Ronny vreugtj 't hum nog ei paar kiër.

Nao d'n dôrdje kiër is den eerwaarde het meug, en hêe beltj nao de kirkfebrik: "Zèg, wiejlank doortj det kôntrakt mèt **bekkeriej Martens** nog?"

**Mathy Vandewal** wirktj sins kort bie Gematax. Hêe heet **Jo Van Eygen** in ziene taxi zitte. Jo tiktj Mathy op ziene sjouwer ôm get te vraoge. Mathy slaaktj eine geweldige sjriëw, verluëstj de macht euver ziën steur, ramtj bekans eine paol, sjeurtj rakelings langs Vera Eerdekens mèt heure fits, ôm zjust veur Mao van Klumpke tot stilstandj te kôme.

Jo zeet versjriktj: "Es ich haaj geweite desse dich zoë zous versjrikke, haaj ich dich no-eits oppe sjouwer getiktj." Mathy antwoordj: "'t Is diën sjöldj neet. Vandaag is miëne iërsten daag es taxisjeffeur. Hiejveur hób ich 10 jaor mèt de liëkwage van **Van Cleef** gereeje..."



Tot aan ziene sterfdaag zal ôzze eige **Pool Frit** eeder jaor ein van ziën geheim resepte priës gèeve diej 'r gebruuëkdje inne frituur vreuger, in Elkerlyck en inne Heerlijkheyd.

# EI GEHEIM RESEPT VAN POOL FRIT!

Efkes good oplètte, want in deze Rabbedabber lègtj Pool uch van naoldj tot draod (of môtte wèe zègge van pan tot ketel?) oët wiej gèe gegratineerdje Franse uënjesop klaor maaktj.

Waat môtj gèe hole inne winkel veur eine ketel veur 2 man?

- 2 uënje (B-cup)
- Boter en bloom
- Kippeboejôn of 1 blökske kippe-pasta van Knôrr

Zônger weurd...



Ôngertôsse in 't Waspuntj ...

In miën wasmesjiene zitj niks van sjoemelsoftwèer! Niks!

Euver de druëgkaste wins ich mich neet oët te sprèeke...





- Witte wiën, kônjak
- Broöd
- Ei paar soorte gemale kiës  
... hennig get veur ein simpele tas  
sop, mich dunktj!

Waat môtj gèe doon veur eine  
lekkere ketel gegratineerdje Franse  
uënjesop a la Pool Frit oppe taofel  
te kriège?

- Sjèl 2 dikke uënje, sniej ze door-  
midde en daonao fiën snieje in  
dunne slierte.
- Zèt eine sôpketel op het veur,  
doot dao ei klei bitje boter in en  
stooft de uënje aan zônger ze te  
kleure. Kruj get bieje mèt pèeper  
en zaot, blus mèt witte wiën en  
kônjak en bevochtig mèt kip-  
peboejôn (of get water mèt ei  
blökske kippepasta).
- Laot ein 6-tal minute doorkoke,

- en laot de uënje neet te gaar wèere.
- Binj de sop mèt beurre marnier. Det  
is Frans veur eine lepel malse boter  
en 2 ètteleps bloom. Good minge!
- Opkoke, roum bieje doon en  
aafsmake.
- Verdeil de sôp in 2 soptasse.
- Toost 2 sneeje broöd, sniej det in  
stökskes en verdeil euver de sôp  
inne tasse.
- Doot doa gemale kiës op. Leefst  
2 tot 3 soorte, jônk, aod of belèe-  
ge, Parmezaan.
- Zèt alles ônger de gril en laot kleu-  
re, of zèt 't in d'n ove ôm te grati-  
nere. (Det zeen meujlikke weurd  
ôm te zègge: laot broën wèere.)
- Geet zjust veur het oppe taofel  
zette nog ein klats (ei sjeutje)  
kônjak d'r in.

**SMAKELIK!!!**



Ei koffiemesjien oët Mezeik!



Veul dômp, mer niks dao!



hiël belangriëk in ein relasiej: duidelik zeen!

Dju, Lut...  
Diej blônj van dao  
zjust, diej kôs mich  
kriegel!

Esse den ouch 6  
wèeke lestig woors,  
dao kôs ich good mèt  
lèeve!



## AANGEBRANDJE MÔPPE



**Vera  
Hendrikx**

wiltj heur  
sekslèeve noë  
lèeve in blaoze  
en geit noa de videoteek.  
Ze fluisterdj de baas in zien  
rechteroër: “Boë ligge hiej de  
seksfilms?” De mins ant-  
woordj Vera: “Aan d'n angere  
kantj.”  
Vera bekiëktj hum ins raar,  
en fluisterdj den mer in zien  
linkeroër: “Boë ligge hiej de  
seksfilms?”

**Stef Stals** zitj ôngertôsse  
oppe middelbare sjoël en  
kriegtj doa lès van juffrouw  
**Liesbetj Peeters**. Hèe stukjt  
ziene vinger op en Liesbeth  
vreugtj: “Waat is er, Stef?”  
“Juffrouw, wètj gèe det  
ich eine piemel hób van  
30 centimèeter?” zeet Stef  
ônbessaamdj.  
“Nao blieve strak!!!” zeet  
Liesbeth drek.  
Stef antwoordj hiël druëg:  
“Dacht ich waal...”

**Patrick Ghijsels** en **Marjan**

gaon in Wiërt ei terraske  
doon. Ze bestèlle temattesop  
mèt belkes, en wille dao  
gèer ein besjuët bieje. Marjan  
vreugtj aan Patrick: “Besjuët,  
wiej zègge ze det oppe  
Hollënjer?”

Patrick probeertj: “Juffrouw,  
hóbtj gèe missjien ei druëg  
sneetje?”

Zeet de deenster: “Nèe, det  
zeen miën nôw sjoon diej  
nog get krake.”



ZONDIG **7** FEBRUARIEJ VANAAF 14:11

# GROËTE STOET

DOOR DE KINDERSE STRAOTE

ACHTERAAF FIËST INNE FANFAREZAAL !



**URIËDIG 5 FEBRUARIEJ**  
**16 TOT 23 ORE**



**DIALEKTOËTZENDING MËT MATHY & MARK**

**PRACHTIGE PRIËZE, MËT ES HOOFDPRIËS: GRATIS TËNKBEURT!!!**

**Radio monza**

FM 106.5 • [www.radiomonza.be](http://www.radiomonza.be)  
Ësserstraat 1 bus 2 • 3640 Kinrooi • 089/70 21 79



**WËE BEDANKE VAN HARTE DE HANJELËERS  
VAN KINDER DIEJ ÔZZE WIMPEL GEKOCHT HËBBE !**

**HET IS DANKZIJ UCH DET DE KARNAVAL  
IN KINDER KINTJ BLIEVE BESTAON !**

